



ააიპ კავშირი საფეხბურთო კლუბი სამტრედია

აუდიტორული მომსახურებების შესყიდვა

გამარტივებული ელექტრონული ტენდერის მეშვეობით

კლასიფიკატორის (CPV) კოდი - 79212000

აუდიტორული მომსახურების შესყიდვა

2. ტექნიკური დოკუმენტაცია

2.1. შესყიდვების ერთიან ელექტრონულ სისტემაში განთავსებული უნდა იქნას პრეტენდენტის:

- ა) რეკვიზიტები დანართი #1-ის მიხედვით.
- ბ) ფასების ცხრილი, დანართი #2-ის მიხედვით,

2.2 სატენდერო წინადადებაში შესასრულებელ სამუშაოთა საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის (მ/შ დღგ-ს) გათვალისწინებით.

2.3 პრეტენდენტს უფლება აქვს წარმოადგინოს მხოლოდ ერთი სატენდერო წინადადება

2.4. ანგარიშსწორების პირობები:

2.4.1. ანგარიშსწორება მოხდება უნაღდო ანგარიშსწორებით, ლარში;

2.4.2. ანგარიშსწორება განხორციელდება ერთჯერადად მომსახურეობის დასრულების შემდეგ, მხარეთა შორის მიღება-ჩაბარების აქტის გაფორმების საფუძველზე.

2.4.3. წინასწარი ანგარიშსწორების მექანიზმის გამოყენება დაუშვებელია.

2.5 ტექნიკური დავალება

2.5.1 არასამეწარმეო (არაკომერციული) იურიდიული პირი „კავშირი-საფეხბურთო კლუბი სამტრედია“-ს მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს არასამეწარმეო (არაკომერციული) იურიდიული პირი „კავშირი-საფეხბურთო კლუბი სამტრედია“-ს აუდიტორული მომსახურების შესყიდვა.

2.5.2 აუდიტორმა უნდა ჩაატაროს 2016 წლის 30 სექტემბრის მდგომარეობით 9 (ცხრა) თვიანი ფინანსური ანგარიშგების აუდიტი.

2.5.3 აუდიტორული დასკვნა უნდა:

ა) შეიცავდეს განცხადებას, რომ აუდიტი ჩატარდა საერთაშორისო სტანდარტების შესაბამისად;

ბ) წარედგინოს ლიცენზიარს ფინანსურ ანგარიშგებასთან ერთად, რათა შეადგინოს საქართველოს ჩემპიონატის პრო-1 და პრო-2 ლიგებში მონაწილეობისთვის სალიცენზიო გადაწყვეტილების საფუძველი.

გ) შეიცავდეს განცხადებას, რომ შეფასება ჩატარდა შეთანხმებული პროცედურების მიხედვით დაკავშირებული მომსახურების შესახებ საერთაშორისო სტანდარტების (ISRS 4400) შესაბამისად;

დ) წარედგინოს ლიცენზიარს დამატებით ინფორმაციასთან ერთად, რათა შეადგინოს საქართველოს ჩემპიონატის პრო-1 და პრო-2 ლიგებში მონაწილეობისთვის სალიცენზიო გადაწყვეტილების საფუძველი.

2.5.4. აუდიტორმა უნდა ჩაატაროს ფინანსური ანგარიშგების აუდიტი, სფფ-ის აღმასკომის მიერ დამტკიცებული საქართველოს ჩემპიონატის პრო-1 და პრო-2 ლიგებში მონაწილეობისთვის კლუბების ლიცენზირების დებულებების (2016 წლის გამოცემა) 48, 49, 50, 50¹ და 52-ე მუხლებისა და მე-II-V დანართების შესაბამისად (საქართველოს ჩემპიონატის პრო-1 და პრო-2 ლიგებში მონაწილეობისთვის კლუბების ლიცენზირების დებულებები (2016 წლის გამოცემა) თან ერთვის სარენდერო დოკუმენტაციას).

2.5.5. აუდიტორის მიერ, 2016 წლის 07 ნოემბრის ჩათვლით, წარმოდგენილ უნდა იქნას სფფ-ის აღმასკომის მიერ დამტკიცებული საქართველოს ჩემპიონატის პრო-1 და პრო-2 ლიგებში მონაწილეობისთვის კლუბების ლიცენზირების დებულებების (2016 წლის გამოცემა) 48, 49, 50, 50¹ და 52-ე მუხლებისა და მე-II-V დანართების მიხედვით ჩატარებული ფინანსური ანგარიშგების

აუდიტის დასკვნა (საქართველოს ჩემპიონატის პრო-1 და პრო-2 ლიგებში მონაწილეობისთვის კლუბების ლიცენზირების დებულებები (2016 წლის გამოცემა) თან ერთვის სარენდერო დოკუმენტაციას).

2.5.6 აუდიტორმა უნდა განახორციელოს შემოწმების დამადასტურებელი აქტის, რეკომენდაციის, დასკვნების, მიწოდება არასამეწარმეო (არაკომერციული) იურიდიული პირი „კავშირი–საფეხბურთო კლუბი სამტრედია“-სათვის.

2.5.7 სათანადო წესით შედგენილი, ოფიციალური საბუთი - აუდიტორული დასკვნა, შემსყიდველისათვის წარმოდგენილი უნდა იქნას 3 (სამი) ეგზემპლარად.

2.5.8 აუდიტორი უნდა იყოს დამოუკიდებელი, ბუღალტერთა საერთაშორისო ფედერაციის (IFAC) პროფესიონალ ბუღალტერთა ეთიკის კოდექსის შესაბამისად;

2.5.9 აუდიტორული კომპანია უნდა იყოს საქართველოს პროფესიონალ ბუღალტერთა და აუდიტორთა ფედერაციის კორპორაციული წევრი, ასევე კომპანიას უნდა გააჩნდეს საერთაშორისო კომპანიის სტატუსი (საერთაშორისო აუდიტორული კომპანიის ფილიალი და ა. შ.).

2.5.10 პრეტენდენტს უნდა გააჩნდეს „ტექნიკური დავალებით“ გათვალისწინებული მომსახურეობის მსგავსი მინიმუმ 5 წლიანი გამოცდილება,

2.5.11 „2.5.9“ და „2.5.10“ პუნქტებით გათვალისწინებული მოთხოვნების მიმართ რაიმე ეჭვის გაჩენის შემთხვევაში „შემსყიდველს“ უფლება აქვს მოსთხოვოს „პრეტენდენტს“ აღნიშნულის დადასტურება.

სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 201 ____ წ.

ერთის მხრივ

ააიპ კავშირი საფეხბურთო კლუბი სამტრედია (შემდგომში „შემსყიდველი“)

და მეორეს მხრივ

_____ (შემდგომში „მიმწოდებელი“)

(მიმწოდებლის დასახელება და რეკვიზიტები)

შორის.

იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული „მომსახურეობა“ შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ხედმიწევნით შესრულებისათვის;

1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უწევს „მომსახურობას“ სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების პირობები

ხელშეკრულების ფარგლებში გაწეული მომსახურების ხარისხი უნდა შეესაბამებოდეს სატენდერო დოკუმენტაციის ტექნიკური დავალებით გათვალისწინებულ მოთხოვნებსა და ნორმებს .

2.1 „მიმწოდებლის“ მიერ მომსახურების გაწევა უნდა განხორციელდეს ხელშეკრულების გაფორმებისთანავე და დასრულდეს არა უგვიანეს 2016 წლის 07 ნოემბრისა.

3. საპატენტო უფლებები.

3.1. საპატენტო უფლებების დარღვევასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს, ასეთის არსებობის შემთხვევაში.

4. ხელშეკრულების შესრულების კონტროლი.

4.1 „მიმწოდებლის“ მიერ გაწეულ მომსახურებაზე „შემსყიდველის“ მიერ რაიმე სახის დადასტურებული წუნის ან დარღვევის აღმოჩენის შემთხვევაში „მიმწოდებელი“ ვალდებულია დაუყონებლივ მოახდინოს აღნიშნული წუნის და დარღვევის აღმოფხვრა.

5. შესყიდვის ობიექტის მიღება-ჩაბარების წესი და ანგარიშწორება

5.1 შესყიდვის ობიექტი ჩაითვლება მიღებულად მხოლოდ მხარეთა შორის შედგენილი და ხელმოწერილი მიღება-ჩაბარების აქტის გაფორმების შემდეგ.

5.2 . ანგარიშსწორება მოხდება უნაღდო ანგარიშსწორებით, ლარში;

5.3. ანგარიშსწორება განხორციელდება ერთჯერადად, მომსახურების დასრულების შემდეგ, მიღება-ჩაბარების აქტის გაფორმების საფუძველზე.

5.4. წინასწარი ანგარიშსწორების მექანიზმის გამოყენება დაუშვებელია.

6. ფასები

6.1. შესყიდვის ობიექტის ფასი განისაზღვრება ლარებში

6.2. შესყიდვის ობიექტის საერთო ღირებულება შეადგენს _____ (_____) ლარს,

6.3. ფასების ცვლილება შესაძლებელია განხორციელდეს მოქმედი კანონმდებლობით გათვალისწინებული ფაქტების დადგომისას.

6.4. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

7. ხელშეკრულებაში ცვლილებების შეტანა.

7.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა

8.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

9. სუბკონტრაქტორები

9.1. „მომწოდებელს“ უფლება „შემსყიდველთან“ შეთანხმებით უფლება აქვს აიყვანოს სუბკონტრაქტორი.

9.2. „შემსყიდველი“-ს მხრიდან სუბკონტრაქტორად იურიდიული ან ფიზიკური პირის აყვანის შესახებ გადაწყვეტილების მიღებამდე „მომწოდებელი“ ვალდებულია შესაბამისი წერილით მიმართოს „შემსყიდველს“ და თან წარადგინოს სუბკონტრაქტორის რეკვიზიტების შესახებ ინფორმაცია, რომელიც შესაბამისი უნდა იყოს იმ მოთხოვნების რომელიც სატენდერო დოკუმენტაციითა გათვალისწინებული,

11.3 „მომწოდებელი“ პასუხს აგებს არა მარტო მის მიერ, არამედ სუბკონტრაქტორის მიერ შესრულებულ ნებისმიერი სამუშაოს ხარისხზე.

10. ხელშეკრულების შესრულების გარანტია არ გამოიყენება

11. ხელშეკრულების პირობების შეუსრულებლობა

11.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, _ ყოველ გადაგადაცილებულ დღეზე ხელშეკრულების ღირებულების 0.5%-ის ოდენობით.

11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

11.4 „მომწოდებლის“ მხრიდან ხელშეკრულებით გათვალისწინებული ვალდებულების შესრულებაზე უარის თქმის, ან „შემსყიდველის“ მიერ „მომწოდებლის“ ბრალეულობიდან გამომდინარე ხელშეკრულების შეწყვეტის შემთხვევაში შემთხვევაში „შემსყიდველს“ უფლება აქვს მოახდინოს „მომწოდებლის“-ს დაჯარიმება 2 000 (ორი ათასი) ლარის ოდენობით.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი სამუშაო ან მისი ნაწილი;

ბ) თუ მიმწოდებელს არ შეუძლია შასრულოს ხელშეკრულებით გათვალისწინებული, რომელიმე ვალდებულება.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.

12.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

13. ფორს-მაჟორი

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების

შესრულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკებების დაწყებიდან 30(ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

15. გამოყენებული სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

16.1. ხელშეკრულება დაწერილ უნდა იქნას ქართულ ენაზე და ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა იყოს ქართულ ენაზე შედგენილი.

17. შეტყობინება

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მირების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. გადასახადები და დაბეგვრა

18.1. უცხოელი მიმწოდებელი პასუხს აგებს შესასრულებელი სამუშაოს მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელები გადახდაზე, რომლებიც გადასახდელია საქართველოს ფარგლებში და მის გარეთ.

18.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

19. ხელშეკრულების მოქმედების ვადა.

19.1. წინამდებარე ხელშეკრულება ძალაშია ხელშეკრულებზე მხარეთა მიერ ხელმოწერის მომდევნო დღიდან და მოქმედებს 2016 წლის 31 დეკემბრის ჩათვლით.

20. სხვა პირობები

20.1. არც ერთი მხარე არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

20.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

20.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

20.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

4. დამატებითი ინფორმაცია:

4.1. სატენდერო დოკუმენტაციასთან ან შესყიდვის ობიექტთან დაკავშირებული განმარტებების მიღება შესაძლებელია ააიპ „კავშირი საფეხბურთო კლუბი სამტრედია“-ს დირექტორისაგან - პაატა შალამბერიძე; ტელ 595 75 70 70

დანართი #1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი:

ბანკის კოდი:

ანგარიშსწორების ანგარიში:

ხელმოწერა და ბეჭედი

ფასების ცხრილი

შესყიდვის ობიექტის დასახელება		რაოდენობა	სულ მომსახურების ღირებულება დღგ-ს გათვალისწინებით
აუდიტორული მომსახურება სატენდერო დოკუმენტაციის „ტექნიკური დავალების“ შესაბამისად	აუდიტორული დასკვნა	1	

პრეტენდენტის დასახელება
ხელმოწერა და ბეჭედი